

NEWSLETTER

decembar
2017.



SRETNA I USPJEŠNA
2018. godina

ZLATNI STIPENDISTI FONDACIJE HASTOR



U Olimpijskoj dvorani „Juan Antonio Samaranch“ – Zetra u Sarajevu 2. decembra održana je 13. po redu Svečana promocija i dodjela diploma diplomantima i magistrantima Univerziteta u Sarajevu. Na dan osnivanja Univerziteta, prof. dr. Rifat Škrijelj, rektor Univerziteta, prorektori i dekani fakulteta i akademija promovirali su ukupno 5 578 diplomanata i magistranata Univerziteta u Sarajevu.

Na osnovu Odluke Senata Univerziteta u Sarajevu, 185 najuspješnijih studenata prvog i drugog ciklusa studija i integriranog studijskog programa prvog i drugog ciklusa primilo je posebna priznanja – Zlatnu značku, Srebrenu značku i Povelju Univerziteta.

Najviše odlike – Zlatnu značku dobilo je i četvero stipendista naše fondacije: Mia Babić, Lejla Ramić, Anisa Ruhotina i Rijad Muminović.

Mia Babić je prvi ciklus studija na Filozofskom fakultetu (Odsjek za anglistiku) završila ukupnom prosječnom ocjenom 9.57. Lejla Ramić i Anisa Ruhotina, obje studentice Pravnog fakulteta, prvi

ciklus studija su također krunisale Zlatnom značkom – Lejla s prosječnom ocjenom 9.85, a Anisa 9.83.

Rijad Muminović je prvi ciklus studija na Elektrotehničkom fakultetu, na Odsjeku za automatiku i elektroniku privo kraj s prosječnom ocjenom 9.94. Dobitnik je Zlatne značke Univerziteta u Sarajevu, a ujedno je proglašen i najboljim studentom prvog ciklusa na Elektrotehničkom fakultetu.

Svi u Fondaciji smo izuzetno ponosni na naše zlatne studente i iznimna je čast imati ovakve mlade ljude u svojim redovima. Osim što su najbolji studenti na sarajevskom Univerzitetu, Anisa, Lejla, Mia i Rijad važe za naše najvrednije volontere koji svoje slobodno vrijeme rado posvećuju Fondaciji Hastor. Našim stipendistima upućujemo iskrene čestitke na ovom sjajnom uspjehu!

Džulisa Otuzbir



„DO GOOD AND DO WELL“: ŽIVOTNA PRIČA VERNISE REJHAN

U subotu, 09.12.2017. godine u sjedištu ASA Prevent grupacije održan je decembarski mjesecni sastanak studenata stipendista Fondacije Hastor. Životna priča u službi motivacije česta je tema naših mjesecnih druženja, pa je tako i ovomjesečni sastanak obilježila životna priča naše današnje gošće.



U vrijeme kada većina mladih silno želi otići u zemlje zapadne Evrope, u potrazi za boljim poslom i životom, oni koji dolaze u BiH kako bi znanje i iskustvo iskoristili u rodnoj zemlji, gotovo su nepoznanica. Stoga je i ova priča koja nas vodi do naše današnje gošće, Vernise Rejhan, operativne direktorice u bh. predstavništvu švedske kompanije Softhouse u Sarajevu, priča koja treba biti primjer kako čovjek treba da vjeruje u svoje sposobnosti i da bude svjestan vlastitih mogućnosti.

Vernisa je na poziciju direktorice u ovu IT – kompaniju došla s veoma poželjnog radnog mjesta u Stockholm. Prethodno je bila zaposlena u kompaniji Scandinavian Airlines (SAS), gdje je radila kao savjetnica za središnji menadžment s posješivanjem djelatnosti.

Pored toga što obnaša funkciju operativne direktorice u pomenutoj kompaniji, Vernisa je član Upravnog odbora BiH Futures Foundation, član je organizacije APU Network BiH, te inicijator foruma Leaders Tribe BIH.

Rođena je u Donjem Vakufu gdje provodi djetinjstvo i odakle s majkom i sestrom početkom rata odlazi u Hrvatsku, s planom da se ubrzo vrate kući. No, put ih je godinu kasnije odveo u Švedsku u kojoj je živjela sve do januara ove godine.

Do pozicije operativnog direktora u jednoj uspješnoj IT kompaniji Vernisa je prešla dug put. Prvo radno

iskustvo stekla je sa samo 15 godina, zahvaljujući švedskom sistemu koji omogućava mladim ljudima da veoma rano počnu stjecati radna iskustva. Tokom svog školovanja radila je na mnogim studentskim poslovima, od kojih izdvaja posao njegovateljice u staračkom domu koji ju je, kako kaže, naučio da cijeni život i prilike koje joj se pružaju. Razni poslovi koje je obavljala tokom i poslije završenog studija, doveli su je do prvog ozbiljnog zaposlenja, najprije u kompaniji Telge Energi, a zatim u švedskoj aviokompaniji, Scandinavian Airlines. Prilika za angažman u Bosni i Hercegovini ukazala joj se kroz ponudu za zaposlenje u predstavništvu kompanije Softhouse u Sarajevu što Vernisu, zajedno sa svim njenim vještinama stečenim na različitim radnim mjestima, nakon 25 godina dovodi u Bosnu i Hercegovinu.

Vernisin povratak u Bosnu i Hercegovinu ogromni je dobitak za naše društvo, a njena životna priča našim stipendistima je poslužila kao motivacija i nadahnuće za nastavak puta ka uspjehu. Ono što su stipendisti danas imali priliku naučili jeste da je do ostvarenja našeg krajnjeg cilja potrebno preći mnogo stepenika, a svaki pređeni stepenik nas obogaćuje novim iskustvima, znanjima i poznanstvima, a okružiti se pravim ljudima presudno je za kreiranje zdravog okruženja koje će nas potaknuti na uspjeh, poručila je Vernisa.

Džulisa Otuzbir

STIPENDISTI FONDACIJE HASTOR MEĐU NAJBOLJIM STUDENTIMA FBIH

Svečana dodjela nagrada za 73 najbolja studenta u Federaciji BiH upriličena je u ponedjeljak (11.12.2017.) u Narodnom pozorištu Mostar.

Veliku čast predstavlja da se među nagrađenim studentima nalazi i troje stipendista Fondacije Hastor koji su još jednom dokazali da slogan „Obrazovanje-izbor pobjednika“ zaista vrijedi. Sakib Bitić (student Politehničkog fakulteta u Zenici), Maida Husnić (studentica Fakulteta humanističkih nauka u Mostaru) i Jasmina Kavgić (studentica Ekonomskog fakulteta u Tuzli) također se ističu svojim radom i u Fondaciji, ali i kao vrijedni mentori koji mlađim stipendistima nastoje ukazati na važnost i moć obrazovanja.

U ime nagrađenih studenata naša Jasmina obratila se prisutnima i istakla da mladi trebaju biti pokretači bh društva, da trebaju ostati u ovoj državi kako bi je unaprijedili, ali i da bi se stekli uvjeti za primanje nazad svih mladih ljudi koji su otišli iz BiH u potrazi za boljim životom.

„Mislim da odlazak iz naše zemlje nije način za rješavanje problema. Mislim da svi možemo izgraditi uspješnu karijeru i ovdje“, kazala je Jasmina.

Podršku tokom uručivanja nagrada najboljim studentima pružio je i direktor Fondacije, gosp. Seid

Fijuljanin, te s ponosom preuzeo istu u ime Sakiba Bitića koji u Mostar nije mogao doći iz opravdanih razloga.

„Osjećao sam se izuzetno privilegovanim što sam mogao da prisustvujem festivalu na kojem se slavilo znanje, talenat i naporan naučno-istraživački rad. Bilo je sjajno pratiti mlade ljude i posmatrati izraze lica na kojima se vidi izjava „još jednom se isplatilo“. Ponosniji sam što sam uprkos negativnim vjetrovima politike, raseljavanja, nesigurnosti, čuo ohrabrujuće želje i poruke mladih izvrsnih studenata. Shvatio sam da svi koji rade moraju biti maksimalno odgovorni, a minimalno lijeni, kako bi se ovim mladim zvjezdama stvorila platforma da naprave neke nove naučne, obrazovne, ekonomske i političke revolucije“, istakao je gosp. Fijuljanin.

Fondacija Hastor ulaže mnoge napore da svim stipendistima ukaže na važnost i moć obrazovanja. Upravo ovi studenti jedan su od dokaza kako se misija uspješno obavlja.

Belma Zukić



NA INTERNACIONALNOM BURCH UNIVERZITETU ODRŽANO FINALE 5. BURCH STARTUP TAKMIČENJA: STPENDISTI FONDACIJE HASTOR ZAUZELI DRUGO I TREĆE MJESTO

Na Međunarodnom univerzitetu Burch 19. decembra je održano finale 5. Burch Startup takmičenja. Cilj takmičenja bio je probuditi duh preduzetništva u studentima, ali i da im se osiguraju potrebni resursi za realizaciju njihovih ideja.

Drugo mjesto na takmičenju osvojio je Aldin Beriša zajedno s kolegicom Idom Bajrami i projektom "Shift". Najveća podrška za Aldina upravo je Fondacija.

"Smatram da je ogroman uspjeh postići drugo mjesto na uglednom takmičenju kao što je Burch Startup na prvoj godini studiranja. Nakon dužeg perioda provedenog u Fondaciji Hastor, stekao sam potrebno znanje za apliciranje na takmičenje poput Burch Startup-a. Radom u Fondaciji naučio sam mnogo toga o timskom radu i takmičarskom duhu, te bih se ovom prilikom zahvalio Fondaciji jer bez njihove finansijske pomoći ne bih mogao biti u mogućnosti pohađati univerzitet kao što je ovaj i samim time biti dio takmičenja kao što je Startup, te sam im na tome jako zahvalan", riječi su Aldina.

Treće mjesto pripalo je našem Harisu Muhibiću koji se predstavio s projektom "intern.it". Haris je dobio i nagradu za najbolju prezentaciju/pitch.

"Drago mi je da sam osvojio treće mjesto na prestižnom takmičenju poput Burch Startup-a. Pošto su sponzori domaće kompanije, drago mi je da sam uspio pokazati da originalnih ideja ima i da one polako preuzimaju tržiste. Također sam mnogo zahvalan Fondaciji Hastor na podršci tokom pripreme za takmičenje te poticanju natjecateljskog i poduzetničkog duha u meni. Koristeći vještine stečene u Fondaciji, bio sam u mogućnosti da organizujem tim ljudi s kojima je organizacija eventa prošla u najboljem redu, te je zadovoljstvo publike i natjecatelja bilo više nego očito", kazao je Haris.

Važno je napomenuti da je Haris Muhibić bio i glavni organizator takmičenja, te da je direktno učestvovao u procesu hostinga i pripreme ostalih studenata za takmičenje.

Pored glavne nagrade od 40.000 maraka i ulaska u Burch Startup Incubator, 5 nagrada za razne kategorije je također bilo dodijeljeno raznim učesnicima. Prvo mjesto je uzeo projekat Whopedoo, čija ideja se bazirala na edukacijskoj aplikaciji koja kroz igru uči djecu raznim vještinama.

Belma Zukić



BIVŠE STIPENDISTKINJE OSVOJILE TRI NAGRADE ZA DRUŠVENI BIZNIS I USKORO OSNIVAJU ZAJEDNIČKU FIRMU

Edina Hadžić i Nadira Berbić bivše su stipendistkinje Fondacije Hastor i dvije izuzetno entuzijastične djevojke koje imaju zajednički san: osnažiti male proizvođače domaćih proizvoda i njihovim proizvodima omogućiti davno zasluženu poziciju na tržištu.

„Ono što je spojilo Edinu i mene jeste istinska želja za unapređenjem zajednice u kojoj živimo. Edina je strastvena dizajnerica, a ja sam se dugo vremena nakon studija Tehnologije hrane bavila istraživanjem bioaktivnih komponenata u džemovima i sokovima od šumskih plodova. Ja sam i dalje željela nastaviti raditi na istom polju, a Edina je imala sjajne ideje za vizuelnu prezentaciju autohtonih bh. proizvoda“, otkriva nam Nadira.

Svoj san ostvaruju pokretanjem startupa Zorya, čiji je glavni cilj povezati male proizvođače autohtonih bh. proizvoda s kupcima u urbanim sredinama koji teško dolaze do nekomercijalnih proizvoda – sigurnim za njih i njihovu djecu.

Potencijal Zorya projekta prepoznala je Fondacija Mozaik koja je podržala razvoj ideje bespovratnim novčanim sredstvima. Također, dobitnice su Nagrade za društvene promjene (Social Impact Award) koju je dodijelila Fondacija Dokukino.

Trenutno rade na na širenju mreže malih proizvođača s kojima će sarađivati, a u martu 2018. godine planiraju da registruju društveni biznis Zorya d.o.o. Njihova ciljna grupa jeste nezaposleni dio populacije,

pogotovo žene kojima je potrebna podrška, edukacija te pomoć u plasmanu i distribuciji njihovih proizvoda. Zorya ustvari preuzima sve radnje koje predstavljaju poteškoću za tipičnog malog proizvođača u BiH: marketing, brending, prodaja i distribucija.

Rješenje koje nudi Zorya jeste ujedinjenje različitih proizvođača pod jedinstvenim i vizuelno prepoznatljivim brendom Zorya.

Ono što ovaj projekat izdvaja od ostalih jeste, prije svega, društveno-odgovorna komponenta biznisa: direktno uključivanje malih proizvođača iz ruralnih sredina koji su većinom u nepovoljnoj ekonomskoj situaciji, ali i činjenica da će značajan procenat prihoda buduće kompanije biti izdvojen za podržavanje novih društvenih biznisa mladih kroz program Fondacije Mozaik sve dok Zorya d.o.o. postoji. Svaki Zorya proizvod ima svoju priču i kupovinom njihovih proizvoda, kupci će se osjećati dobro iz dva razloga: konzumiraju domaći i kvalitetan proizvod iz netaknutih dijelova prirode BiH i doprinose osnaživanju malih proizvođača iz ruralnih područja širom BiH.

Trenutno je otvoren Javni poziv za male proizvođače koji žele postati dio mreže kooperanata Zorye. Svi zainteresovani više informacija o pozivu i projektu mogu pronaći na fb stranici „Zorya- Prirodno i domaće u najboljem izdanju“.

Džulisa Otuzbir



jedan od 1860!

“ Naš dugogodišnji stipendista Muharem Karać ove godine potpisao je svoj posljednji ugovor o stipendiranju. O susretu s Fondacijom, dugogodišnjoj podršci i prijateljstvima govori u tekstu koji je posvetio Fondaciji Hastor, a koji vam prenosimo u cijelosti.

„Kao da je jučer bilo, a već sam potpisao moj posljednji, po redu jedanaesti ugovor s mojoj fondacijom. Sjećam se! Sasvim običan dan, u svojoj sobi sam vježbao zadatke za kontrolni rad iz matematike, i na svesku matematike lijepio humanitarnu naljepnicu crvenog križa koju sam taj dan kupio u školi. Ulazi mama u sobu brzim hodom. Odmah sam primijetio da se nešto događa! Samo mi je rekla: „Hajde, spremi se, idemo kod tetke, došao je 'neki' učitelj i želi tebe da vidi“. Toga dana ni slutio nisam da će moj život biti promijenjen za 360°. Taj dan sam upoznao učitelja Ramu. Učitelj je govorio o cilju i budućnosti naše fondacije. Prošao je određeni period. Zvoni telefon! Ja se javljam. Samo samo dobio informacije o potpisivanju ugovora u školi u koju sam tada išao. Već sam bio sedmi razred. Taj dan je Muharem dobio priliku biti neko drugi, postati neko bolji, postati uspješniji, imati konkretniji cilj u životu, taj dan sam postao stipendista Fondacije Hastor. Auuuu.... Volontiranja, pa šta je to, pitao sam se kada sam pročitao ugovor, pa kako će ja to uraditi, pa ja moram da učim, neću stići ništa na vrijeme!!! Volontiranja su me naučila jednoj velikoj odgovornosti i disciplini. Zahvaljujući mojoj fondaciji, naučio sam ne kasniti, naučio sam izvršavati sve obaveze u kratkom periodu. Prošla je prva godina kako sam potpisao ugovor, već je došla druga godina potpisivanja i ogromno iznenađenje, svi stipendisti su dobili knjige za svaki predmet koji imamo u školi. Svakim danom je rasla moja ljubav prema fondaciji i prema volonterskim satima. Vjerujte da sam jedva čekao da Salih nazove i da zakaže termin volontiranja. Možda su i neke simpatije postojale tada, o tome ne bih da pišem, da se oni koji ovo budu čitali ne prepoznaju pa da se ne postide.

Krenula je srednja škola... Prvi problemi u školi. Tada sam mislio da neću više nastaviti biti stipendistom moje fondacije. Kao superodlikaš iz Osnovne škole „Edhem Mulabdić“ u Opari sam prešao u Opću gimnaziju u Travniku s velikim očekivanjima i nadanjima. Na početku je bilo teško uklopiti se u novu sredinu. Prve loše ocjene su već počele. Trudio sam se svakim danom sve više da se vratim na stare staze uspjeha. Novi volonteri, Adnan i Hatidža, su bili jedno novo osvježenje. Oni su nas usmjeravali na pozitivne

stvari, s njima smo usvajali pozitivne poglede na svijet. Svaka godina u srednjoj školi je bila bolja od bolje. Došlo je vrijeme upisa na fakultet. Upisao sam Fakultet političkih nauka, na Odsjeku sigurnosnih i mirovnih studija. Velika sala ASA grupacije je bila napolna puna stipendistima studentima. Kao brukoš, tek dolazim, ne poznajem nijednu osobu osim onih s kojima sam volontirao ranije. Tu su bili ljudi iz Livna, Tuzle, Mostara, Sarajeva... Sada sam ja taj volonter što studira? Volonterski angažman u fondaciji je jedno ogromno iskustvo koje sam prošao i na čemu sam zahvalan. Ovo iskustvo je od mene napravilo mentora, pedagoga, savjetnika djeci u obrazovanju. Imao sam priliku nekoga naučiti nešto novo. Djeca i volonteri s kojima sam radio tokom volonterskog rada su bili predivni i imam samo riječi hvale za sve njih. Mjesecni sastanci studenata stipendista su bili produktivnitesamijaličnojednomimaoprilikuodržati mjesecni sastanak stipendista, upravo potaknut drugim stipendistima da ja pokušam nekoga naučiti nešto novo iz mog domena obrazovanja... Godine su prošle. Već znam da ove godine potpisujem moj posljednji ugovor. U sali ASA grupacije je bilo toliko mnogo ljudi da smo svi morali stajati, pa sam se sjetio priče o starcu i njegovim sinovima kada im je rekao ako ste sami, tada ste nejaki i lako vas je slomiti, ali ako ste skupa tada ste nesalomljivi. Smatram da su stipendisti Fondacije Hastor nesalomljivi i neuništivi kad su skupa i kad skupa djeluju. Mi smo stvaraoci nove vizije koju je učitelj Ramo zamislio, nove vizije za uspješniju BiH. Učitelj Ramo i cijeli tim ljudi koji ga okružuju, direktor Seid, naša draga Amela, Lejla, Rabija i cijeli administrativni tim i svi stipendisti Fondacije Hastor su uspjeli u ispunjenu tog teškog zadatka, jer biti jedan od 1860 ljudi je čast, prednost, povjerenje, poštovanje, ljubav... U Fondaciji sam upoznao Mirzu, koji je doktor stomatologije, upoznao sam Mehmeda, majstora za muziku, upoznao sam Arminu koja će biti doktor medicine, upoznao sam Semira koji je oficir u Oružanim snagama, upoznao sam Berinu koja će biti magistar sociologije, upoznao sam mnogo dobrih i pozitivnih ljudi. Ja vjerujem ovim ljudima, jer im vjeruje i Fondacija, a Fondacija vjeruje u obrazovanje, a obrazovanje je izbor pobjednika.“

Muharem Karać

U mjesecu decembru je u bosanskohercegovačkim gradovima upriličeno mnogo događaja iz svijeta kulture. U ovoj rubrici izdvajamo kulturne događaje koji su obilježili ovaj mjesec. Također, pozivamo sve stipendiste Fondacije Hastor da nam pišu o kulturnim događajima u njihovim gradovima.

Mak Dizdar: prvih stotinu godina - Brčko distrikt BiH

Povodom 100 godina od rođenja velikog bosanskohercegovačkog pjesnika Mehmedalije Maka Dizdara, Bošnjačka zajednica kulture „Preporod“ Brčko distrikt BiH i Udruženje građana „Stećak“ Brčko distrikt BiH, u suradnji s Fondacijom „Mak Dizdar“ i Muzejem književnosti i pozorišne umjetnosti Bosne i Hercegovine organizirali su izložbu plakata i dokumenata „Mak Dizdar: prvih stotinu godina“. O izložbi su govorili Đana Kukić, kustosica Muzeja književnosti i pozorišne umjetnosti BiH i dr. Gorčin Dizdar, autor izložbe.

Tuzla bogatija za još jedan dokumentarni film

U okviru medija projekta iz Dublina u Tuzli je počelo snimanje dokumentarno-igranog filma „Fridin trougao“ reditelja Mirsada Ademovića. „Fridin trougao“ je porodična romance drama slična onoj koju je na putu za Ameriku sa sobom nosila meksička Frida. Priča bosanske Fride bazirana je na istinitom događaju, koja prati dvadesetčetverogodišnju djevojku, koja nakon porodične tragedije, u teškom psihofizičkom stanju, žrtvujući vlastiti život bježi u nepoznato. Put ju je odveo toliko daleko da ni slutila nije da će u toj udaljenosti upoznati vlastitu neobuzdanost i osjećaj hrabrosti. Priča djevojke govori o tome da motivacija kao pokretačka snaga prema cilju ili snu – ipak bez hrabrosti i pozitivnog stava nije ništa više od vozila bez motora. Radnja filma se odvija u Bosni i Hercegovini, Njemačkoj, Islandu i Irskoj. Završetak snimanja filma je najavljen za mart 2018., a bosanskohercegovačka publika kao i publika zapadne Europe će film moći vidjeti krajem aprila 2018.

U Bosanskom pozorištu Tešanj izvedena predstava Sigurna kuća (Šmizle, ženski bend)

Na sceni Bosanskog pozorišta Tešanj premijerno je izvedena predstava „Sigurna kuća (Šmizle, ženski bend)“. Riječ je o jednoj izuzetno duhovitoj i zreloj predstavi sa snažnom feminističkom notom. Predstava „Sigurna kuća“ govori o šest žena različite životne dobi, karaktera, integriteta koje su se sastale u kafani i pjesmom i plesom odlučile promijeniti način življenja, odlučile ne biti podsjetnica na prošlo vijeme i biti moderne žene koje nemaju muževe. One nemaju auto, kućnog ljubimca niti talenta, ali imaju bend i jedni druge. Svi posjetiocima imali su priliku uživati u predstavi s oštrom kritikom anomalija u društvu i iz svega izvući duboku poruku i pouku.

Radionica kreativnog pisanja s Iismetom Prcićem

Na Filozofskome fakultetu Univerziteta u Tuzli održana je radionica kreativnog pisanja s Isetmom Prcićem. Radionica se realizirala na engleskom jeziku, a svi polaznici imali su čast da usvoje određene vještine i znanja jednog od najvećih savremenih pisaca. Iset Prcić je autor romana *Shards* (2011), čiji je prijevod na bosanski jezik Khotine objavljen 2014. godine u izdanju Buybooka, dobitnik je više književnih nagrada, a njegova su književna djela prevedena na devet jezika. Khotine je The New York Times 2011. uvrstio na listu sto najboljih knjiga objavljenih te godine.

Sarajevo: Decembar u Buybooku: Promocija četiri knjige značajnih bh. autora

Promocijom romana „Smrtova djeca“ autorice Amile Kahrović-Posavljak počeo je decembarski Buybookov program u okviru kojeg su predstavljene knjige Adise Bašić, Saide Mustajbegović i Ahmeda Burića te je tom prilikom obilježena 21. godišnjica od početka rada ove izdavačke kuće.

Amila Kahrović-Posavljak svojim romanесknim prvijencem vodi nas u srce traume i približava nam hiperrealizam tranzicijske distopije, ambijent kao stvoren za drobljenje nade, pa će i fraza o onima što tek zakoračuju u život voditi u kolektivno gubljenje tla pod nogama. O užasu koji nas je definisao i propasti koja je došla po nas, Amila Kahrović-Posavljak piše onako kako do sada нико nije pisao u postratnoj bh. književnosti. Ova knjiga bit će, izmeđuostalog, gorki saveznik na putu prihvatanja činjenice da cijeli svijet postoji samo da se polako pretače u groblje.

U priči Kuća bez krova Saide Mustajbegović riječ je o vožnji taksijem po Sarajevu, po njegovim brdima i vijugavim sokacima. Prožeta je sjećanjima, mislima, komentarima, i također je vrlo dobar tekst koji postaje dobra književnost na kraju kad prikaže staricu koja vadi hranu iz kontejnera, besprijeckorno čisto odjevenu, osim što su bijele pantalone zamrljane žutim flekama nastalim iz upravo uzete konzerve. Ova zbarka priča iskače iz

projekta i po svojoj vrijednosti i po svojoj vrsti i ne spada među one aktuelne proze koje su preplavile naš književni život.

Nakon uspješnih knjiga poezije, Adisa Bašić se prvi put predstavlja s knjigom proze pod nazivom „A ti zaključaj“. Na promociji koja je održana 19. decembra Adisa je predstavila galeriju junakinja kod kojih možda postoji razlika u starosnoj dobi, socijalnom statusu i vremenu u kojem su živjele ili još uvijek žive, ali ih povezuje patrijarhalna matrica po kojoj su formirane i rijetki pokušaji iskoraka van uobičajenog.

Posljednja promocija u 2017. godini održala se 22. decembra i posvećena je romanu „Tebi šega što se zovem Donald?“ autora Ahmeda Burića.

Luksuz je imati ovakav tekst pred sobom: on istovremeno teče, i od njega vam zastaje dah. Govori o sadašnjem trenutku, i podsjeća na neke najljepše i najteže momente. A onda se u brzom čitanju, čitalac dosjeti da postoji sutra, pa ostavi nešto i za naredni dan. „Tebi šega što se zovem Donald?“ je možda predložak za neki uradak u drugom mediju – monodramu ili seriju – ali knjiga funkcioniра kao prvorazredno iskustvo - napisao je o Burićevom romanu prvijencu Damir Šagolj, jedan od najznačajnijih svjetskih fotografa.

■ Desetogodišnja saradnja Fondacije Hastor i Stichting Kinderhulp Bosnie aus Holand

Ove godine se navršilo 10 godina postojanja organizacije Pomoć djeci u BiH iz Holandije. Od samog osnivanja organizacije u ispunjavanju njenih ciljeva i zadataka učestvovali su volonteri i administrativni tim Fondacije Hastor. Učešće Fondacije se ogleda u odabiru djece koja su provodila po 21 dan na odmoru kod holandskih porodica, kao i rješavanju putne dokumentacije. Birana su djeca koja potječu iz siromašnih porodica, čiji roditelji nisu u mogućnosti da im obezbijede bilo kakav izlet, a pogotovo ne odmor u inostranstvu. U proteklih 10 godina odabrali smo djecu iz Vogošće, Ilijasa, Srebrenice, Goražda, Olova, Kladnja, Banovića i Živinica. Odabrali smo 430 djece koja su provela 21 dan nezaboravnog odmora u Holandiji. Administrativni tim Fondacije je svake godine birao po dvije studentice stipendistkinje Fondacije, koje su kao nagradu za uspješno odrđene volonterske obaveze prema našoj Fondaciji putovale kao pratiteljice djece.

Pored odabira studentica, administrativni tim je pripremao dokumentaciju za putovanje u Holandiju, koju su sačinjavala razna odobrenja, poput odobrenja ministarstva za prosvjetu kantona iz kojeg dolaze djeца, saglasnost roditelja te odobrenja Federalnog ministarstva za saobraćaj i promet robe i putnika. Sve ove aktivnosti su isplanirane i za iduću, 2018. godinu, a bit će odabrana djeca s područja Tuzlanskog kantona, iz Živinica i Kalesije.

Stichting Kinderhulp Bosnie od osnivanja pomaže djeci iz BiH da provedu odmor u Holandiji, a od 2015. godine pomaže i roditeljima. Neki roditelji dobiju sadnice, neki plastenike, ili stoku. U svim ovim aktivnostima, zajedno s predstavnicima Stichting Kinderhulp Bosnie učestvuju i volonteri naše Fondacije. U posljednjoj sedmici mjeseca novembra ove godine Fadila i ja smo, zajedno sa članovima odbora Stichting Kinderhulp Bosnie, predsjednikom Peter Van Laarom, blagajnikom Peter Keemtsom te članom odbora Christine Zantman, obradovali 13 porodica poklonivši im motornu pilu, dvije koze, jedanaest ovaca, tri plastenika i pet krava. U tom vremenu smo svratili i u osnovnu školu u Memićima te zamolili direktora nam dostavi spisak djece slabog materijalnog stanja kako bismo mogli u proljeće 2018. godine nastaviti s našim aktivnostima odabira djece za odlazak u Holandiju i odabira roditelja za pomoći pri održavanju na njihovom ognjištu.

Ramo Hastor



Ahmo Mehmedović

Na osnovu svog dosadašnjeg zalaganja, aktivizma i ažurnosti kada je u pitanju volontiranje u okviru Fondacije Hastor, za stipendistu posljednjeg mjeseca u 2017. godini odabran je naš dugogodišnji stipendista **Ahmo Mehmedović.**



Ahmo je rođen u Srebrenici, a trenutno je završna godina prvog ciklusa studija na Filozofskom fakultetu u Tuzli, Odsjek za historiju. Stipendista Fondacije je već jedanaest godina. Istiće kako je Fondacija Hastor bila sastavni dio njegovog odrastanja i sazrijevanja, te u razgovoru s njim saznajemo koliko se kroz vrijeme njegovo poimanje i spoznaja koja se tiče utjecaja Fondacije na izgradnju njegove ličnosti promijenila. Kaže kako se njegovo shvatanje značaja Fondacije u toku osnovnog i srednjoškolskog obrazovanja svodilo isključivo na finansijsku podršku koja ga je vezala za Fondaciju. Međutim, već po završetku srednje škole, u vrijeme kada sazrijeva kao mlada ličnost koja postepeno širi vlastite vidike, posredstvom svojih mentora Ahmo stječe bolji uvid u aktivnosti, ciljeve i misiju naše Fondacije, a sama finansijska podrška

ostaje u drugom, sporednom planu. Danas je Fondacija dio njega, razumije je kao ideologiju, način življenja i poimanja stvari, pokretačku i motivacijsku snagu i bezrezervnu podršku kako vezanu za fakultet, tako i za bilo koji drugi segment života koji iziskuje tu podršku. Kroz volontiranje s mlađim stipendistima, razgovor s bliskim ljudima, ali i u okviru svoje zajednice Ahmo nastoji predstaviti Fondaciju u pravom svjetlu, onakvom kakva ona zaista jeste, a u budućnosti se vidi kao njen ambasador koji će promovirati rad Fondacije i na taj način biti uzor ostalim mentorima.

Pored fakultetskih obaveza uključen je u rad više nevladinih organizacija, a svojim aktivizmom nastoji motivisati mlade ljude na rad i pozitivne promjene. Ahmo je aktivan član Omladinskog resursnog centra „Tuzla“, Društva historičara TK, Centra za istraživanje savremene historije Tuzla, te udruženja „Sara-Srebrenica“. Pored navedenog, uključen je i u regionalni projekat „Youth United in Piece“. Slobodno vrijeme ispunjava čitanjem historijskih časopisa, druženjem s prijateljima, a njegova velika ljubav je i fudbal.

Nakon završetka prvog ciklusa studija planira potražiti posao kako bi skupio određena finansijska sredstva i na taj način sebi omogućio upis master studija. Njegova poruka mlađim ljudima je da manje vremena posvećuju društvenim mrežama i sličnim aktivnostima koje ih čine inertnima, te da više vremena ostavljaju za rad, čitanje, izučavanje jer je samo to ispravan put do uspjeha. Ahmo Mehmedović je zaista pozitivan primjer jednog mladog i ambicioznog čovjeka koji ne odustaje od svojih snova, a pri tome motivira i druge da na osnovu vlastitog truda i zalaganja pronađu svoje mjesto pod suncem. Jer najstabilniji put ka uspjehu vodi se poznatom latinskom izrekom „per aspera ad astra“.

Amina Vatreš

U rubrici „Objektiv“ predstavljamo fotografije s volonterskih druženja održanih u decembru, a koje nam šalju naši stipendisti iz raznih gradova širom Bosne i Hercegovine.



Bijeljina (OŠ Meša Selimović) - Mentor: Amra Redžić i Nizama Musić



Brčko (Deveta osnovna škola) - Mentor: Nermina Zlatić i Elmina Fazlović



Brčko (Gimnazija Vaso Pelagić) - Mentor: Alma Fazlović i Nusreta Ferizagić



Busovača (SŠ Busovača) - Mentor: Lejla Biogradlija i Nizama Baručija



Ilijaš (OŠ Podlugovi, OŠ Stari Ilijaš, OŠ Hašim Spahić) - Mentor: Fuada Pilav i Emina Subašić



Ključ (OŠ i SŠ Ključ) - Mentor: Amela Delalović



Kiseljak (OŠ i SŠ Kiseljak) - Mentor: Amna Komarac i Mumamera Karaula



Kladanj (OŠ i SŠ Kladanj) - Mentor: Elma Halilović i Amina Mašić



Olovo (MSŠ Musa Ćazim Ćatić) - Mentor: Selmin Ahmetspahić i Emra Kulo



Maglaj (SŠ Maglaj) - Mentor: Anesa Hasić i Asmir Kadušić



Tuzla (OŠ Tuzla) - Mentor: Razim Medinić i Zemira Bektić



Zenica (MSŠ i SMŠ Mladost) - Mentor: Šerifa Pašić i Nerma Šišić



Novi Travnik (OŠ Safvet-beg Bašagić) - Mentor: Muharem Karać i Amina Lendo



Zavidovići (OŠ i SŠ Zavidovići) - Mentor: Adin Polić i Harisa Salkić



Zvornik (OŠ Sveti Sava) - Mentor: Vahida Šahbegović



Sarajevo (OŠ Fatima Gunić, OŠ Meša Selimović, OŠ Skender Kulenović, OŠ Osman Nuri Hadžić) - Mentor: Amila Mekić i Aida Nasić



Kalesija (OŠ Kalesija) - Mentor: Samra Bećić i Emina Šljivak

Volonterski rad najbitnije je obilježje Fondacije Hastor, a volonterski sati koje studenti zajedno sa srednjoškolcima i osnovcima svakoga mjeseca provode u učenju i zabavi najbolji su pokazatelj uspješnosti misije Fondacije Hastor. Samo u prethodnom mjesecu osnovci, srednjoškolci, studenti i volonteri Fondacije Hastor ostvarili su 12.685 volonterskih sati! Ovi volonterski sati rezultat su rada u administraciji, redakciji, radu na aplikaciji Fondacije Hastor, a najveći broj sati je ostvaren na volonterskim sastancima naših studenata, osnovaca i srednjoškolaca. Volonterski sastanci održani su na prostoru 49 općina širom Bosne i Hercegovine.

„Fondacija Hastor – historija, misija, područje djelovanja, rezultati. Moja uloga u Fondaciji Hastor i kako će ja promovisati rad Fondacije Hastor? Obrada Pravilnika za stipendiste Fondacije Hastor. Usmena provjera znanja o Fondaciji Hastor i poznавања обавеза из Pravilnika“, obavezna je tema koju su studenti obrađivali na svojim volonterskim sastancima protekloga mjeseca.

Jedan od sastavnih dijelova svakog volonterskog sastanka jeste i pomaganje učenicima u savladavanju školskog gradiva radi postizanja što boljeg uspjeha u školama. Učenicima u tome rado pomažu njihovi mentorji, ali i učenici koji su to gradivo već savladali.



Neke od najzanimljivijih teme:



“Moj prvi dan u Fondaciji Hastor”



„Putovanje koje pamtim“



„Najuspješniji ljudi u našoj domovini“

„U ogledalu vidim svog najboljeg prijatelja“

Video sa TED konferencije „Build a tower, build a team“

„Dan državnosti BiH“



„Društvena mreža Fondacije Hastor“



„Zemlja u raunoteži – ekologija i ljudski duh“

Kreativna radionica : “Kvisko“

„DIZAJN ZA STVARNI SVIJET“



Kreativna radionica : „Predstavljam sebe kroz ono što nosim, ili ne“



dina karić



Dina Karić
Četvrta gimnazija, Ilidža